

Visoki predstavnik donosi zakone o sudovima u Mostaru

Visoki predstavnik Carlos Westendorp je odlučio da donese "Zakon o sudovima Hercegovačko-Neretvanskog kantona", i "Zakon o sudu Centralne zone u Mostaru". Oba zakona su juče stupila na snagu.

Ovaj potez Visokog predstavnika predstavlja reakciju na neuspjeh vlasti Hercegovačko-Neretvanskog kantona u provođenju njegove Odluke o ustanovljavanju općinskih sudova u Hercegovačko-Neretvanskom kantonu od 6. maja 1998.

Zakon o sudovima priznaje pravo svake općine u Hercegovačko-Neretvanskom kantonu, uključujući šest mostarskih općina da svaka ima svoj sud. Sastav sudaca će odražavati nacionalni sastav općine ili teritorije koju pokriva novoformirana općina, u skladu sa popisom stanovništva iz 1991. godine.

Nacionalna struktura sudaca Centralne zone odražavaće ukupnu nacionalnu strukturu stanovništva cijelog grada Mostara, prema popisu iz 1991. godine.

Visoki predstavnik pozdravlja činjenicu da Mostar sada ima sudski sistem. On od vlasti traži da u potpunosti implementiraju zakone najkasnije do 15. novembra 1998. godine. Visoki predstavnik je takođe istakao potrebu da se ljudi iz cijele Bosne i Hercegovine zapošljavaju na novim radnim mjestima.